


PAGBAYAD-SALA NI ACHAN

ADRIAN EBENS





Adrian Ebens, 2026

Tanang Katungod Gireserba © 2026,

Adrian Ebens Maranathamedia.com

Ang moral nga katungod sa tagsulat gipahayag.

Ang tanang katungod gireserba. Walay bisan unsang bahin niini nga publikasyon ang mahimong kopyahon o gamiton alang sa komersyal nga ganansya, lakip ang pagpadala sa bisan unsang porma pinaagi sa bisan unsang paagi, elektroniko, mekanikal, photocopy, rekord o uban pa, nga walay daang nakasulat nga pagtugot gikan sa magmantala ug mga tag-iya sa tanang katungod nga gireserba. Palihug hinumdomi nga ang tagsulat nagpunting sa pipila ka bahin sa mga bersikulo pinaagi sa bold aron ipakita ang espesipikong punto nga nakuha gikan sa maong mga teksto.

Gawas kung lahi ang gisulti, ang mga bersikulo gikan sa Balaang Kasulatan kuha sa *King James Version*.

Copyright © 1996, 2004, 2015 sa Tyndale House Foundation. Gigamit uban sa pagtugot.

Ang mga bersikulo gikan sa NKJV kuha sa Balaang Biblia, *New King James Version*.

Copyright © 1982 ni Thomas Nelson, Inc. Gigamit uban sa pagtugot.

Ang mga bersikulo nga giila sa YLT kuha sa Balaang Biblia, *Young's Literal Translation*, copyright© 1898, ni Robert Young, karon anaa sa pampublikong domain.

Kini nga transkrip ug ang tanan nga uban pang mga publikasyon sa Maranatha Media magamit gikan sa among website maranathamedia.com aron mag-order dugang nga mga kopya palihug e-email adrian@maranathamedia.com

Kini nga Transkrip

Gipresentar ni Adrian Ebens

Gi-transcribed ug Gi-Proofread ni Adam Pearce ug Lorelle Ebens

Disenyo sa Cover ni Adrian Ebens

Litrato sa Cover gikan sa

Shutterstock

Typeset 10.5/14 Palatino Linotype

Gipatik sa Australia

TRANSKRIP GIKAN SA
PRESENTASYON NI ADRIAN EBENS
ENERO 3, 2026

PAGBAYAD-SALA NI ACHAN

Pangbukas nga Pag-ampo:

Amahan, daghang salamat sa Imong Pulong. Ug nagpasalamat usab kami sa Imong Sabbath. Salamat kay gipangbubo nimo ang Imong Espiritu ibabaw namo, ang kinabuhi ug dugo ni Hesus. Limpyohi kami pinaagi niini nga dugo. Ug, Ginoo, hinaut nga mapaduol kami kanimo ug sa usag usa hangtod makab-ot namo ang hingpit nga kahibalo, ang pagtuo sa Anak sa Dios.

Ako nag-ampo nga ikaw mogiya sa akong mga pulong sa atong pag-abli sa mga Kasulatan, ug ikaw panalanginan ang tanan nga nagtan-aw. Panalangini ang ilang kaminyoon, ilang mga anak, ilang mga apo. Ug hinaut nga kita tanan maanaa sa langit. Nag-ampo ako sa ngalan ni Hesus. Amen.

Presentasyon:

Mao nga, bahin kini sa panukiduki nga akong gihimo alang sa *Mirror Principle Part 2*. Ug kini usa nga tawgon nga "The Kingdom of Heaven." Ang Gingharian sa Langit. Gipili ko kini alang niana, tungod sa mga pahayag ni Hesus bahin sa gingharian sa langit ug kung unsa gyud ang gingharian sa langit. Mga pahayag sama sa giingon ni Hesus,

Sa pagkatinuod, nagaingon ako kaninyo, Taliwala sa tanan nga natawo sa babaye, walay mitungha nga mas labaw pa kang Juan nga Bautista: apan bisan pa niana, ang labing ubos sa gingharian sa langit mas labaw pa kaniya. (Mateo 11:11)

Unsa man ang gipasabot ni Hesus? Nga si Juan nga Bautista wala pa gyod makasulod sa gingharian tungod kay sayop ang iyang pagsabot sa kinaiya sa Dios. Apan sa wala pa siya mamatay, nasabtan niya kini ug misulod siya sa gingharian sa wala pa ang iyang kamatayon. Ug, siyempre, kabahin usab kini, dili kay nakatan-aw gyod ako niini, tungod sa usa ka salida nga gipagawas pipila ka tuig ang milabay nga gitawag og “The Kingdom of Heaven,” nga naghisgot mahitungod sa mga krusada sa Tunga-tungang Sidlakan ug sa tanang pag-ula sa dugo, gubat, kamatayon, ug kalaglagan. Ug kini may kalabutan sa mga panghitabo kaniadto sa panahon ni Josue ug sa mga Maghuhukom. Susama kini nga mga kahimtangan ug nahitabo sa parehas nga dapit.

Busa, unsa man ang gingharian sa langit? Nagaingon si Jesus,

Mitubag si Hesus, Ang akong gingharian dili iya niining kalibutana: kon ang akong gingharian iya niining kalibutana, ang akong mga alagad makig-away unta [pinaagi sa unod],... apan karon, ang akong gingharian dili gikan dinhi.” (Juan 18:36)

Busa, uban niini sa hunahuna, mosulod na kita niining sugilanon. Kini mao ang kapitulo 7 sa Josue, ug bag-o pa lang sila napildi sa Ai. Karon, naningkamot sila sa pagsabot kon unsa gyoy nahitabo. (Nasayod ko nga daghang mga tawo ang ganahan unta makakita og kapildihan sa “AI,” apan ania na kini—pildihon nato kini ug atubangon ug mapugngan.) Magbasa kita sugod sa Josue 7:2.

Unya si Josue nagpadala og mga lalaki gikan sa Jerico ngadto sa Ai, nga duol sa Bet-Aven, sa sidlakang bahin sa Bethel. Siya misulti kanila ug miingon, “Umadto kamo ug susiha ninyo ang yuta.” Busa ang mga lalaki miadto ug gisusi ang Ai. Sa ilang pagbalik kang Josue, miingon sila kaniya, “Ayaw na paadtoa ang tanang katawhan, kondili ipaadto lang ang mga duha o tulo ka libo ka mga lalaki aron moatake sa Ai. Ayaw na pagluyaha ang tanang katawhan didto, kay diyutay ra man *ang mga tawo sa Ai.*”

Busa mga tulo ka libo ka mga lalaki gikan sa katawhan ang miadto didto, apan sila nangalagiw atubangan sa mga lalaki sa Ai. Ug ang mga lalaki sa Ai mipatay og mga katloan ug unom ka mga lalaki,...

Makapainteres ang ihap nga katloan ug unom, dili ba? Unom ka higayon sa unom. Tulo ka dose.

...kay ilang gigukod sila *gikan* sa atubangan sa ganghaan hangtud sa Sebarim, ug gipamatay sila sa lugsonganan; busa ang mga kasingkasing sa mga katawhan natunaw ug nahimong sama sa tubig.

Ang tanang kasingkasing sa mga Canaanhon natunaw ug nahimong sama sa tubig; karon ang mga Israelinhon natunaw ug nahimong sama sa tubig.

Unya gigisi ni Josue ang iyang mga saput, ug mihapa sa yuta ...

Karon niabot ka sa laing nasod. Gipalibotan ka sa mga tawo, nga ang tanan gusto nga mopatay kanimo, ug napildi ka sa usa ka gubat sa usa ka gamay nga grupo sa mga tawo. Makasabot ka ba sa kasakit ni Joshua? Sama nga sila karon mahimong hingpit nga mapapas sa nawong sa yuta. Seryoso kini.

Unya gigisi ni Josue ang iyang mga saput, ug mihapa sa yuta sa atubangan sa arca ni Jehova hangtud sa kahaponon, siya ug ang mga anciano sa Israel; ug sila nagbutang ug abug sa ilang mga ulo. (Josue 7:2-6, NKJV)

Kita hingpit nga makasabut ngano nga ilang gibuhat kini. Makapainteres nga ang Espiritu sa Propesiya naghatag kanato og pipila ka panabut niini. Karon matikdi, *Patriarchs and Prophets*, 493:

Ang dakong kadaogan nga naangkon sa Diyos alang kanila nakapahimo sa mga Israelinhon [sa unsa?] nga masaligon sa kaugalingon. Tungod kay Siya nagsaad kanila sa yuta sa Canaan sila mibati nga luwas,...

Makapainteres kini. Siya misaad kanila sa yuta, apan unsa ang ilang gihunahuna, sa unsang paagi kini nga yuta makuha? Gisaad kini sa Dios kanila, apan gusto nila nga buhaton ang tanan nga pagpatay ug

paglaglag ug ang tanan sa ilang kaugalingon. Busa, ang Dios misaad kanila, apan sila naghunahuna nga ang Dios misaad sa pagtabang kanila sa paglaglag sa tanang katawhan.

...ug napakyas sa pagkaamgo nga ang balaanong tabang lamang ang makahatag kanila ug kalampusan.

Busa, dili ba kini makapaikag. Naghunahuna sila nga ang Dios nagsaad niini ngadto kanila, apan napakyas sila sa pagkaamgo nga sila nagkinahanglan sa balaang tabang. Nakita ba nimo ang problema didto?

Bisan si Josue nagbutang sa iyang mga plano sa pagsakop sa Ai nga wala mangayo ug tambag gikan sa Diyos. Ang mga Israelinhon nagsugod sa pagbayaw sa ilang kaugalingong kusog ug sa pagtan-aw uban ang pagtamay sa ilang mga kaaway. Usa ka sayon nga kadaugan ang gipaabut, ug tulo ka libo ka mga tawo ang gihunahuna nga igo na sa pagkuha sa dapit. (*Patriarchs and Prophets*, p. 493.4)

Makapainterens kini, dili ba? Naa ba tay gamay nga manok ug itlog dinhi? Sama sa, nakuha na ni Acan ang Babylonian nga besti ug ang bulawan ug ang pilak. Gibuhat ba niya ang kapakyasan, nga dayon nagsamok sa hunahuna ni Josue? O ang ilang pagsalig sa kaugalingon ba maoy hinungdan sa pagkuha ni Acan sa Babilonyanhong besti? Wala ta kahibalo, di ba? Adunay usa ka makapaikag nga panagsagol nga nahitabo tali sa gibuhat ni Achan, hinungdan sa usa ka paglapas; ug ang pagsalig sa kaugalingon sa Israel sa paglaglag sa tanan sa Jerico, gawas kang Rahab ug sa iyang pamilya. Mahimong usa siya ka pagpakita niining sobra nga pagsalig.

Ug atong hinumdoman nga sa sugilanon sa Jerico, sa tinuod, panahon kadto sa pito ka adlaw sa tinapay nga walay patubo sa ilang paglibot sa Jerico. Karon, sa ilang paggikan sa Egipto, panahon kadto sa Paskua, ug giluwes sila sa Dios nga walay bisan kinsa nga gikinahanglan mapatay. Sa imong hunahuna, posible ba nga mao usab kini ang gustong buhaton sa Dios pag-usab sa panahon sa Paskua? Nga mahugno ang mga paril? Nga ang tanang mga tawo mangalagiw, sama sa dihang gilimpyohan ni Hesus ang templo; o moanhi ug moluhod ug moingon, “Palihog, ipahimoa kami nga kabahin ninyo.

Among ginakumpisal ang among mga sala. Mangayo kami og pasaylo. Gusto namo nga makig-uban kaninyo.” Gibuhat man nila kini alang kang Rahab, dili ba? Takos ba siya nga kandidata? Oo; sumala sa panan-aw sa langit? Apan sumala sa panan-aw sa tawo; siya usa ka bakakon nga bigaon. Dili ba siya namakak? Oo. Aron luwason ang mga tawo sa Dios? Unsaon man niya pagkahimong takos nga kandidata? Tungod kay siya mituo. Gitagbo siya sa Dios kon asa siya anaa ug giluwes siya. Ug kon gibuhath kana sa Dios alang kaniya, dili ba posible nga adunay uban pang mga tawo sa Jerico nga makahimo usab sa sama nga butang? O bisan man lang mangalagiw. Mahimo unta silang modagan paingon sa kasikbit nga mga siyudad ug makig-uban didto. Mahimo unta silang moadto sa Ai o sa usa sa uban pang pito ka dagkong nasod. Ang mga Hetita, ang mga Hivita nga kabahin ang Gibeon, nga makapainteres ug ang mga Jebusita. Adunay pito ka mga nasod. Mahimo unta silang tanan mangalagiw ug makig-uban kanila, dili ba? Apan wala nila buhata.

Busa, sila adunay kini nga isyu sa pagsalig sa kaugalingon nga nagpadayon. Busa, nakita ba nato ang relasyon tali sa mga lalaki ug mga espada ug pagpatay ug pagsalig sa kaugalingon?

Naa bay relasyon didto? Oo. Busa unsaon nato kini pagtawag? Gitawag ko kini, Ang pagbakho ni Josue.

Ug si Josue miingon, Alaut, Oh Ginoong Jehova, ngano pa man nga imong gidala kining katawohan sa tabok sa Jordan, [Kana ba us aka pahayag sa pagtuo?] aron sa pagtugyan kanamo ngadto sa kamot sa mga Amorehanon, ...

Nagpasabot ba siya nga, Dios, itugyan mo ba kami ngadto sa kamot sa mga Amorita? Nakigbisog man siya sa iyang hunahuna, dili ba?

...aron ba kami laglagon? Unta pa sa Dios [nakadungog na ba mo niining mga pulonga kaniadto?] nga kontento na lang unta kami ug nagpuyo sa pikas bahin sa Jordan! (Josue 7:7)

Hulata sa makadiyot. Dili ba nagsaad ang Dios kanila sa yuta? Apan nag-ingon siya, unta pa sa Dios nga kontento na lang unta kami nga nagpuyo sa pikas bahin sa Jordan. Dili man kini pamahayag sa pagtuo, dili ba? Sa labing maayo nga kahimtangan, makaingon kita

nga naglisod siya sa iyang pagtuo. Sa labing daotan nga kahimtangan, makaingon kita nga nawad-an siya og kusog sa hunahuna ug halos wala na siya sa iyang kaugalingon. Ug wala usab kanato angay mohukom kang Josue tungod niini, kay nag-atubang man sila og sigurado nga kamatayon. Busa, masabtan nato ang iyang gibati. Tinood, masabtan gyud nato. Karon lang ko nakadawat og usa ka sipi gikan sa SDA Bible commentary.

Unta pa sa Dios. Kini nga pulong nagpakita og lawom nga pagbati sa kawalay paglaum ug hingpit nga kakulang sa pagsabot sa kahimtangan. Ang pag-ampo ni Josue (halos) nagdala sa espiritu sa pagbagulbol ...

Karon ilang gisulod ang pulong nga ‘halos’ sa hugpong nga “nagdala sa espiritu sa pagbagulbol,” ug gibutang nila kini sulod sa panaklob nga mga parentesis. Halos ba gyud kini nagdala sa espiritu sa pagbagulbol? Tungod kay dili man nila gusto... Bueno, siya man ang bantugang lider; siya si Josue, ug daw dili siya mahimong masayop. Si Josue ug si Caleb mga tawo nga maisugon kaayo. Ug sila.

...ug ang pagbagulbol, nga kanunay kaayong makita sa mga anak sa Israel sa daghang higayon. Apan bisan ang labing maayong mga tawo usahay mopadaplin sa kasubo ug kahadlok. (*SDA Bible Commentary*)

Mamiminaw: Elijah!

Pr. Adrian: Oo. Daw pamilyar?

Ug ang mga anak sa Israel miingon kanila, Maayo pa unta nga nangamatay kami pinaagi sa kamot ni Jehova didto sa yuta sa Egipto,

Nagpasabot kini nga nagpabilin na lang unta kami sa Egipto ug namatay sa natural nga paagi. Mao kana ang ilang gipasabot.

sa dihang naglingkod kami duol sa mga kolon sa karne, ug sa dihang nagkaon kami og tinapay nga hangtod mabusog; kay gidala ninyo kami gawas ngadto niining kamingawan aron patyon kining tibuok katilingban tungod sa kagutom. (Exodo 16:3)

Murag pamilyar kaayo ang tunog niini, dili ba? Mga Numeros 14.

Ug ang tanang mga anak sa Israel nagbagulbol batok kang Moises ug batok kang Aaron: ug ang tibuok katilingban miingon kanila, Unta pa sa Dios nga namatay na lang unta kami sa yuta sa Egipto! O unta pa sa Dios nga namatay na lang unta kami niining kamingawan! (Mga Numeros 14:2)

Ug miingon Siya kaniya, Ako *mao* ang Ginoo nga nagpagawas kanimo gikan sa Ur sa mga Caldeo, aron ihatag kanimo kining yuta aron panununon mo. [Kini na karon si Abraham. Giunsa man pagtubag ni Abraham?] Ug miingon siya, Ginoong Dios, unsaon ko man pagkahibalo nga panununon ko kini? (Genesis 15:7-8)

Karon, sa dihang gisulti ni Abraham kadtong mga pulonga, unsa may nahimo niini sa kasingkasing sa Dios? Nasamdan Siya, dili ba? Ania dinhi ang Krus niining pamahayag. Kung ang usa ka ginikanan magsaad og usa ka butang sa iyang anak uban sa gugma ug ang bata moingon, Wala ko motuo nimo, makasamad gyud kana, dili ba? Mao kana ang Krus.

Busa, ang kakulang sa pagtuo nagkinahanglan og halad. Mao kini ang punto nga akong gipatin-aw. Tungod sa nahitabo sa Ai ug tungod sa mga pamahayag sa pagduhaduha, nagpasabot kini nga ang bugtong paagi aron makalabang ang Israel niining kasinatian mao ang pinaagi sa halad. Kay mao gyud kini ang nahitabo dinhi.

Unya miingon Siya kaniya, “Ako *mao* ang Ginoo nga nagpagawas kanimo gikan sa Ur sa mga Caldeo, aron ihatag kanimo kining yuta aron panununon mo.” Ug miingon siya, “Ginoong Dios, giunsa ko man pagkahibalo nga panununon ko kini?” (Genesis 15:7-8, NKJV)

Human dinhi moingon, “giunsa ko man pagkahibalo nga panununon ko kini?” Diha-diha dayon mitubag ang Dios ug miingon,

Ug miingon Siya kaniya, Kuhaa alang Kanako ang usa ka baka nga tulo ka tuig ang edad, usa ka babaeng kanding nga tulo ka tuig ang edad, usa ka karnero nga tulo ka tuig ang edad, ug usa ka salampati, ug usa ka batan-ong kalapati.

Gisultihan ba sa Dios si Abraham unsaon pagbuhat niini? Dili, wala.

Apan gigamit Niya ang pinulongan nga pamilyar kaayo kang Abraham. Ug sama sa gisulti sa *Patriarchs and Prophets*, ang Dios moubos aron gamiton ang mga batasan nga pamilyar sa mga tawo.

Ug iyang gikuha ang tanan niini, ug gibahin-bahin kini sa tunga, ug gibutang ang matag bahin usa batok sa usa: apan ang mga langgam wala niya gibahin. (Genesis 15:9–10)

Sa sistema sa halad, ginapikas ang liog sa mga salampati. Batasan kini sa mga tawo nga dili pagbahinon ang mga langgam. Busa, ang punto dinhi mao nga ang pagpadayag sa pagduhaduha nagdala sa panginahanglan sa halad. Apan ngano man kinahanglan ang halad? Tungod kay ang tawo nag-antos sa suliran sa iyang pagtuo. Ang Spirit of Prophecy nag-ingon nga si Abraham nawad-an og paglaum sa saad nga kaliwatan, nga nagpasabot nga nawad-an siya og paglaum sa kaluwasan. Ang iyang pagbati sa sala, ang pagbati sa pagbiya kaniya, nahimong dako kaayo nga dili na siya makatuo. Ug ang bugtong butang nga makagawas kaniya niini mao ang halad. Kini nahitabo human sa pakig-away sa mga hari. Busa, makapainteres kaayo, dili ba?

Human sa pakig-away sa Jerico ug human sa pakig-away sa Ai, makita nato nga nagsugod og usab ang usa ka padulngan. Ug karon naglisod na sila ug karon nagbagulbol na sila. Giunsa man nako pagkahibalo? Dili ba si Josue nag-ingon, Sa unsa nga pamaagi ko man pagkahibalo nga panununon ko ang yuta? Kung siya nag-ingon, mas maayo unta nga anaa kami sa pikas bahin.

Mamiminaw: Kanunay sila nanginahanglan usa ka pisikal nga timaan.

Pr. Adrian: Ug ang pisikal nga timailhan naglakip sa kamatayon tungod kay kini usa ka pagsamad sa Persona ni Kristo ug sa Amahan. Busa, ang punto nga akong gipatin-aw mao nga ang Israel nag-andam sa ilang kaugalingon alang sa panginahanglan sa halad. Nagkinahanglan sila og butang nga makagawas kanila sa pagbati nga hingpit na silang gibyaan sa Dios.

Busa, unsa may hinungdan niini? Karon, mobalik kita sa bersikulo 1.

Apan ang mga anak sa Israel nakasala sa butang nga gipaumod: kay si Achan [o Achar], anak ni Carmi, anak ni Zabdi, anak ni

Zerah, gikan sa tribo ni Judah, nagkuha sa butang nga gipaumod: ug ang kasuko sa Ginoo [nasayud ta unsa ang kasuko sa Ginoo, dili ba? Pagtangtang sa pagpanalipod] misidlak batok sa mga anak sa Israel. (Josue 7:1)

Sa pagtangtang sa pagpanalipod sa Ginoo, mahimo kini naglakip sa kamatuoran nga si Josue wala mihunahuna, hulat, kinahanglan ko mag-ampo ug mangayo og giya gikan sa Dios unsa ang buhaton. Posible nga kabahin kini sa pagtangtang sa pagpanalipod. Apan ang iyang kaugalingong pagsalig sa kaugalingon sigurado nga nakaapekto usab niini. Kung adunay deperensya nga misulod sa usa ka komunidad, ang tanang kakulang sa kinaiya ug kaluyahon sa maong komunidad mahimong gamiton ug atakihon sa Satanas, aron ang uban nga tawo magsugod og pagkahugno, ang uban magsugod og problema, ug ang uban malibog sa tinuod nga kahimtang nga nagakahitabo, sa higayon nga misulod ang deperensya. Busa, kini nga manok og itlog nga sitwasyon, si Josue ug ang Israel ba ang hinungdan, o si Achan? Unsay hinungdan sa unsa? Wala ta kahibalo.

Apan si Achan mao ang nakalapas sa linya. Ug nabasa nato kaniadto bahin sa iyang kaugalingong pagsalig sa kaugalingon.

Ang dakong kadaugan nga nakuha sa Dios alang kanila nakapahimo sa mga Israelita nga masaligon sa ilang kaugalingon. Tungod kay nagsaad Siya kanila sa yuta sa Canaan, nakabati sila og kahilom ug wala nila masabti nga ang tabang sa Dios ra ang makahatag kanila og tinuod nga kalampusan. **Bisan si Josue naghimo sa iyang mga plano alang sa pagsakop sa Ai nga wala mangayo og giya gikan sa Dios.** (*Patriarchs and Prophets*, p. 493.4)

Busa, si Achan ba ang nagsugod niini, o ang pagsalig sa kaugalingon sa Israel ang nagsugod niini? Pag-usab, wala ta kahibalo. Nagkahiusa kini. Apan aduna'y mga timailhan sa mas ubos nga bahin sa teksto nga nagpakita nga dili ra si Achan ang problema. Ug kini usab nagpasabot kanimo nga dili si Achan ra ang problema.

Moabot kita sa bersikulo 11. Ug mao kana ang gisulti sa Dios,

Nakasala ang Israel, [Ngano man nga wala kini nagsulti nga

adunay usa ka tawo nga nakasala sa Israel?] **ug sila usab nakalapas sa akong kasabotan nga akong gisugo kanila:** kay ilang gikuha ang butang nga gipaumod, ug nangawat usab sila, ug nagpanglimbong usab, ug gibutang pa gani *kini* sa taliwala sa ilang kaugalingong butang. (Josue 7:11)

Karon, hinumdumi ang pulong nga ‘bisan pa’ kay ang ‘bisan pa’ nagpasabot og dugang sa gisulti na daan. “Kay ilang bisan pa gikuha ang butang nga gipaumod.” Karon, kini naghisgot gyud bahin ni Achan, dili ba? Apan kung ang pulong nga ‘bisan pa’ anaa, dili ba kini nagpasabot nga kini nagsulti nga nakalapas sila sa kasabotan nga akong gisugo kanila. Nakalapas ba ang Israel sa bag-ong kasabotan nga gustong ihatag sa Dios sa Israel? Klaro, nakalapas sila. Ngano? Kay nag-ingon ang Dios, “Kung kamo maminaw sa akong tingog” ug sa katapusan sa Exodo 20 miingon sila, “Ayaw kami pasultihi sa Dios, ipasulti na lang kang Moises. Dili namo gusto paminawon ang tingog sa Dios.” Kana mismo mao ang paglapas sa kasabotan. Kana gyud. Apan hinumdumi nga ang Spirit of Prophecy nag-ingon niini,

Sa milyon-milyong Israel, **usa ra ka tawo** ang misulay sa pagsupak sa sugo sa Dios sa maong balaan nga oras sa kadaugan ug paghukom. (*Patriarchs and Prophets*, p. 496.1)

Busa, ang maong sipi nagpasabot nga tanan nakabase kang Achan, dili ba?

Mamiminaw: Oo, apan kung tan-awon nimo ang nahabilin sa maong bersikulo, nag-ingon kini, “gikuha ang butang nga gipaumod, ug nangawat usab, ug nagpanglimbong usab.”

Pr. Adrian: Nagpanglimbong. “Ug gibutang pa gani kini sa taliwala sa ilang kaugalingong mga butang.” Kini naghisgot ba bahin ni Achan? Oo, kini ang katapusang bahin.

Mamiminaw: Unsa man ang kahulogan sa nagpanglimbong?

Pr. Adrian: Ang nagpanglimbong mao... Pagsulti og bakak. Ang moderno nga pulong ani mao ang narsisismo. Gaslighting. Apan makapainter, ngano man nga gisulti Niya ang Israel isip usa ka korporatibong entidad? Ug atong susihon kini. Sa paglabay nako sa pagsabot niini nga sugilanon, mas daghan pa ang mga pangutana nga

nisulpot sa akong hunahuna. Murag, unsa man kini?

Ang prinsipyo sa deperensya. Kini usa ka aplikasyon nga gihimo ni Ellen White. Maghatag kita og hugot nga pagtagad.

Ang sala ni Achan nagdala og kadaut sa tibuok nasod.

Busa ayaw hunahunaa nga ang imong mga sala walay epekto sa uban. Walay tawo nga nagkinabuhi alang sa iyang kaugalingon ra. Walay tawo nga mamatay alang sa iyang kaugalingon ra.

Tungod sa sala sa usa ka tawo, ang kasuko sa Dios mopahimutang sa Iyang simbahan hangtod ang paglapas masuta ug matangtang.

Masabtan ba kini?

Mamiminaw: Makapainteres kini kay nasayud ang Dios unsa kini. Busa, ang pagsuta ug pagtangtang moabot sa uban pa nato.

Pr. Adrian: Kinahanglan nato kini susihon ug motubag sa gisulti sa Dios kanato.

Mamiminaw: Nagtuo ko nga kini naghatag og panahon alang sa tawo nga nasayud sa iyang gibuhay, nga moanhi mismo ug maghinulsol.

Pr. Adrian: Sa dihang gikuha ang tribo ni Achan, mahimo unta siyang moanhi niadto, dili ba?

Ang impluwensya nga labing angay kahadlukan sa simbahan dili ang sa hayag nga mga kontra, mga dili motuo, [dili nato kinahanglan kabalak-an si Richard Dawkins] ug mga tigpasipala, kondili ang sa mga dili konsistente nga magtutuo kang Kristo. [Aduna bay bisan kinsa nga dili sakop niini nga kategorya?] Kini sila ang nagpugong sa panalangin sa Dios sa Israel ug nagdala og kaluyahon sa Iyang katawhan. (*Patriarchs and Prophets*, p. 497.2)

Ug kung mahimo nakong isulti kini nga hinay-hinay, mao kini ang nahitabo kanato karon.

Sa dihang ang simbahan nag-antos, sa dihang adunay kabugnaw ug espirituhanong pagkunhod [ug tinuod kini nga naglungtad], nga naghatag og kahigayonan sa mga kaaway sa Dios nga

magmadaugon, ayaw sa pagpahimutang lang sa mga kamot ug pagreklamo sa ilang malisud nga kahintang, **kondili ang mga miyembro niini kinahanglan mangutana kon aduna bay Achan sa kampo.**

Makapainteres kini nga paagi sa pagpasabot, dili ba? Tingali moingon kita sama sa mga disipulo, “Ginoo, ako ba kini?”

Uban sa pagpaubos ug pagsusi sa kasingkasing, ang matag usa mangita sa pagpangita sa mga tinago nga sala nga nagapasipala sa presensya sa Dios. (*Patriarchs and Prophets*, p. 497.3)


Busa, aduna kitay aplikasyon. Sa dihang nangita ko og lain-laing mga sipi gikan sa Spirit of Prophecy bahin kang Achan.

Mamiminaw: Kini nagtugma sa Adlaw sa Pagbayad-sala.

Pr. Adrian: Oo. Pagsusi sa kasingkasing. Aduna bay butang nga kinahanglan nakong tarungon? Aduna bay butang nga ako nakahatag og problema o kalisud?

Busa, tan-awon nato ang linya sa pamilya ni Achan. Karon, kini makapainteres kaayo.

Family Trees [\[edit \]](#)



Busa, ania si Achan o Achar. Ang iyang amahan mao si Kami. Ang iyang lolo mao si Zimri, (dili ang Zimri nga gisaksak sa tulisan). Ang

iyang amahan usab mao si Zerah, ug si Zerah usa sa kambal ni Judah ug Tamar. Si Zerah mao ang, sa iyang pagkahimugso, iyang gipahimutang ang iyang kamot gawas, ug ilang gibutangan og laso, ug iyang gikuha balik ang iyang kamot. Ug dayon ang usa pa ka igsoon nga lalaki ang miuna og gawas, nga ang ngalan mao si Perez, nga nagpasabot og deperensya o paglapas. Perez nagpasabot og deperensya. Busa, nag-ingon siya, unsa man kini nga deperensya? Murag siya ang miuna og gawas, unya iyang gipahawa ang iyang igsoon, ug siya na ang unang miuna. Makapainteres kaayo nga linya sa pamilya.

Busa, si Achan naggikan sa linya sa pamilya ni Judah. Busa, si Tamar, unsa man ang iyang relasyon kaniya? Siya ang iyang ugangan sa anak. Nagaangay ba kini isip insesto?

Mamiminaw: Dili kini ingon sa hitsura, kay iyang gikuha siya isip usa ka salawahan, nga wala kahibalo kinsa siya. Ug siya mismo ang nagpahimutang sa iyang kaugalingon niining posisyon.

Pr. Adrian: Busa, kini mao ang nahibaloang prostitusyon ug wala mailhing insesto. Ug si Achan/Achar naggikan niining relasyon. Ug pila ka henerasyon na kini? Usa, duha, tulo, upat. “Hangtod sa ikatulo ug ika-upat nga henerasyon,” unya adunay pagbisita. Makapainteres, dili ba? Upat ka henerasyon, ang sala, kay ang Dios dili magpasaylo dayon. Adunay sangputanan nga mosunod gikan niini nga mga buhat. Ug kini napakita sa kinabuhi ni Achan, lima ka henerasyon pagkahuman. Wala na kini gipugngan sa Dios. Gipasagdan na Niya.

Mamiminaw: Makapainteres kaayo, kay gikan sa maong linya naggikan si David, ug si Kristo. Katingalahan gyud kini.

Pr. Adrian: Kung ang sala naglaganap. Nagpasabot kini nga ang tanan adunay kapilian, dili ba? Kay kung naa ka sa usa ka kahimtang sa grabeng sala, adunay ka kapasidad nga masinati ang grabeng grasya ug moadto sa pikas nga dalan. Tanan kita makadawat niini kay ang atong Amahan dili pabor-pabor sa tawo.

Kini pa lamang ang sinugdanan. Mas makapainteres pa kini sunod.

Ang paglapas miabot pagkahuman sa ika-upat nga henerasyon:

Si Achan mao ang apo sa apo sa apo ni Judah ug Tamar. Siya usa ka kaliwatan sa kambal nga gipahimutang ang iyang kamot gawas sa pagkahimugso, unya gikuha kini ug miuwa nga ikaduha ang paggawas. Siya naggikan sa usa ka linya nga natawo gikan sa pangalimbungay ug prostitusyon ug wala mailhing insesto tali ni Judah ug Tamar. Lima ka henerasyon pagkahuman sa sala ni Judah ug Tamar, ang kaliwatan nagbunga. Natapos na ang ika-upat nga henerasyon ug napakita na ang bunga sa kaliwatan.

Ug hinumdumi kini. Unsay gisulti ni Judah bahin kang Tamar sa wala pa niya masayri?

Ug nahitabo pagkahuman og mga tulo ka bulan, nga gisultihan si Judah, nga nag-ingon, si Tamar, imong ugangan sa anak, nagbuhat og kalasangan; ug tan-awa, siya nabdos tungod sa kalasangan. Ug si Judah miingon, **Ipasulod siya, ug pasunogon siya.** (Genesis 38:24)

Mao kana ang iyang gisulti.

Mamiminaw after he had found out, he said, she is more honourable than me.

Pr. Adrian: Busa, kinsa man unta ang angay sunugon?

MAmiminaw: Siya [Him].

Pr. Adrian: Aw, apan wala man sila magsunog og tawo kaniadto, dili ba? Ayaw na ta mosulod niining lisod nga hisgutanan. Makatingala gyud. Siya sobra kadako nga dili mapakyas. Sakto ba? Dayon hinumdumi sa Levitico unsay gisulti niini.

Ug kon ang usa ka lalaki magkuha sa iyang asawa ug sa inahan niini, kini *usa* ka kadautan [kini incest]: **sila pagasunogon sa kalayo [H8313]**, siya ug sila usab; aron wala nay kadautan tali kaninyo. (Levitico 20:14)

Parehong pulong. Naghisgot kini bahin sa usa ka lalaki nga nagkuha og asawa ug inahan. Busa, oo, siya ug sila [angay sunogon]. Apan dinhi mosulod ang pagsunog sa hisgutanan. Kay gisusi nako ang Torah aron tan-awon kung asa gisugo sa Dios ang pagsunog. Kay sa maong sugilanon, gisugo kini, murag gisugo, nga si Achan ang

sunogon. Ug kini makapainterer kaayo.

Busa karon aduna kitay lain nga isyu. Gusto nako idugang ang lain nga elemento niini. Kini ba usa ka gipaumod nga butang, o usa ka gipaumod nga tawo, ug/o usa ka gipaumod nga tawo? Ug hinumdumi ang Josue 7:11. Kini gikan sa KJV.

Nakasala ang Israel, ug sila usab nakalapas sa akong kasabotan nga akong gisugo kanila: **kay ilang bisan pa gikuha ang butang nga gipaumod**, ... Busa, ang mga anak sa Israel dili makabarog batok sa ilang mga kaaway, *kondili* ilang giatras ang *ilang* likod sa atubangan sa ilang mga kaaway, kay sila gipaumod: **ug dili na ako uban kaninyo, gawas kon inyong wagtangon ang gipaumod gikan sa taliwala kaninyo.** (Josue 7:11-12)

Busa, sa maong hubad, kini ba ang gipaumod nga butang, o ang gipaumod nga tawo, o pareho nga gikinahanglan sa Dios nga wagtangon? Kini nagpasabot nga ang tawo ug ang butang. Apan kung imong basahon ang Young's Literal Translation

ug ang mga anak sa Israel wala makabarog batok sa ilang mga kaaway; ilang gibalhin ang liog sa atubangan sa ilang mga kaaway, kay sila nahimong gipaumod nga butang; Dili ako mag-uban kaninyo—**kung dili ninyo wagtangon ang gipaumod nga butang gikan sa taliwala ninyo.** (Josue 7:12, YLT)

Busa, kung kini nga mga butang usa ka deperensya, pagkahibalo sa atong nasayran bahin sa kinaiya sa Dios, dili ba kini makatarunganon nga kini nga mga butang ipagawas, pasunogon, ug himoon ang usa ka pag-ila nga sila ang sayop?

Mamiminaw: Depende kini kung giunsa pagpagawas ang pag-ila, dili ba.

Pr. Adrian: Nakadepende gayud.

Mamiminaw: Kon kini ipadayag nga tinud-anay ug boluntaryo, maayo kana. Apan kon kini pugson, nan mas angay pang mapuo kauban niini.

Mamiminaw: Maayo, mao gayud kini ang mahitabo sa katapusan.

Mamiminaw: “Si Efraim nakig-uban sa iyang mga diyos-diyos.”

Pr. Adrian: Oo, mahimo usab unta nila siyang gisultihan nga mopuyo na lang uban sa mga lumulupyo sa Ai ug pasagdan silang mopatay kaniya, nga sigurado gyod unta ang iyang kamatayon. Busa, makapainteres gyod kini, dili ba?

Karon, moadto kita sa bersikulo 13.

Barog, paghalad sa mga tawo, ug sulti, Paghalad kamo alang sa inyong kaugalingon ugma: **kay ingon niini ang gisulti sa Ginoo Dios sa Israel, Aduna’y gipaumod nga butang taliwala kaninyo, O Israel: dili kamo makabarog batok sa inyong mga kaaway hangtod nga inyong wagtangon ang gipaumod nga butang gikan sa taliwala ninyo.** (Josue 7:13)

Murag nibalik kini sa butang. Busa, aduna’y kalibog kung kini ba usa ka gipaumod nga butang o usa ka gipaumod nga tawo. Apan sa Deuteronomio, nag-ingon kini,

Ayaw gayud nimo dad-on sa imong balay ang bisan unsang dautang butang, **aron dili ka mahimong sama sa gisangyaw nga silot niini;** kondili, pagdumot ka niini sa hingpit, ug paglagot ka niini sa hingpit; kay kini *usa* ka butang nga gipang silotan. (Deuteronomio 7:26)

Busa, adunay punto diin ang imong pagkahimamat sa usa ka butang mahimo ka nga sama sa maong butang ug mapukan uban niini. Apan, sa laing bahin,

Ang Ginoo dili malangan sa pagtuman sa Iyang saad, sama sa paghunahuna sa uban nga adunay kalangay; kondili mapailubon Siya kanato, dili gusto nga bisan kinsa malaglag, kondili gusto nga ang tanan makabalik-loob. (2 Pedro 3:9)

Mao kini ang butang nga kinahanglan natong sulayan ug ayuhon.

Ilabay ninyo gikan kaninyo ang tanan ninyong mga sala nga inyong nabuhat, ug paghimo kamo og bag-ong kasingkasing ug bag-ong espiritu: kay ngano man kamo mamatay, O balay sa Israel? (Ezekiel 18:31)

Karon, sumala kang Josefo, ang saput tinuod nga bulawan. Kini usa ka bulawanong saput nga iyang gikuha, ug kini naggikan sa Babilonia. Karon, aduna bay kalabutan dinhi? Ug akong ipadayag kini kaninyo tungod kay adunay laing kahimtangan diin ang usa ka tawo angay sunugon. Kana mao kon ang anak nga babaye sa usa ka saserdote magpakighilawas sa pagkahugaw, siya pagasunugon. Busa, angay bang hunahunaon nga kining saputa naggikan sa pagkasaserdote sa Babilonia? Aduna bay butang nga nalambigit niining saputa, nga kini gisumpa sa bisan unsang paagi o kabahin kini sa usa ka harianon... Si Josefo nagaingon nga kini usa ka harianong saput. Ang pagkaharian kanunay nga nalambigit sa pagkasaserdote. Sila may kalabutan sa pagkasaserdote, nga nagpasabot nga kining saputa naggikan mismo sa lingkoranan ni Satanas. Kini usa ka butang nga nalambigit sa salamangka ug demonyohanon nga mga kalihokan. Ug iyang gidala kini ngadto sa iyang balay.

Karon, atong pahinumduman ang atong kaugalingon sa panultihon nga nagaingon,

Gipakita kanako nga ang mga paghukom sa Dios dili moabot diretso gikan sa Ginoo ngadto kanila, kondili sa niini nga paagi: Iyang ibutang ang ilang kaugalingon gawas sa Iyang proteksyon. Siya nagapanghupay, nagtudlo, nagapasidaan, ug nagapakita sa nag-inusarang dalan sa kaluwasan; unya kon kining mga tawo nga giatiman sa Iyang espesyal nga pag-amping mosunod sa ilang kaugalingong agianan nga walay paggiya sa Espiritu sa Dios, human sa balik-balik nga mga pahimangno, kon ilang pilion ang ilang kaugalingong dalan, nan dili Siya magpadala sa Iyang mga anghel aron pugngan ang gipahimutang nga mga atake ni Satanas batok kanila. (*Manuscript Releases*, Vol. 14, p. 3)

Mao kini ang paagi sa pagtrabaho sa Dios. Busa, aniyay usa ka posibleng kahimtangan.

1. Ang Dios naghisgot mahitungod sa pagtangtang ug pagsunog sa butang nga gisumpa.
2. Ang Israel nagtinguha og pagpasig-uli pinaagi sa silot, busa ilakip ang tawo uban sa maong butang.
3. Ang nagahuyang nga pagtuo sa Israel nagkinahanglan og silot

isip halad.

4. Ang Dios nagpadayag sa Israel kung unsa ang ilang gihunahuna nga buhaton ngadto sa nakasala

Ug mao kini ang punto. Mao kini ang lisod nga teksto sa Josue 7. Kay sa dihang imong basahon kini, ug akong gibasa kini dinhi gikan sa Young's Literal Translation, nagaingon kini,

ug mahitabo nga ang makaplagan nga anaa kaniya ang butang nga gitugyan sa paglaglag [Niphil, pasibo, “nakaplagan”] pagasunugon sa kalayo, siya ug ang tanan nga iya, tungod kay siya nakalapas sa pakigsaad ni Jehova, ug tungod kay siya nakabuhat og binuang sa Israel. (Josue 7:15, YLT)

Ang pangutana nga akong ipadayag kaninyo mao kini, sugo ba kini o usa ba kini ka panagna? Mao kana ang pangutana nga inyong tubagon. Ang Dios ba nag-ingon sa Israel kon unsa ang ilang buhaton, o nagasulti ba Siya kon unsa ang angay nilang buhaton? Nasabtan ba ninyo ang akong gipasabot? Ug ang porma nga *Niphil* nagatudlo kanato nga hubaron kini ingon nga “ang nakaplagan ug ang butang nga nasunog.” Kini usa ka pasibong pahayag. Dili kini usa ka sugo. Wala ni usa niining mga pahayag ang porma sa sugo. Wala usab kini sa porma nga *Qal*, nga nagpasabot og sugo o direkta ug hinungdanong pahayag. Anaa kini sa tunga-tunga. Ug usab, dinhi na mosulod ang salamin kon giunsa nimo pagsabot ang kinaiya sa Dios. Ang Dios ba nagmando niini, o nagapanagna ba Siya niini? Mao kini ang pangutana nga kinahanglan natong tubagon sa pagtan-aw niining kahimtangan, tungod kay mao kini ang labing lisod nga teksto sa maong bahin nga sabton mahitungod sa kalambigitan sa Dios niining istoryaha.

Busa, magpadayon kita. Ang pagbutang og palabunutan.

Busa, sa buntag pagatiponon kamo sumala sa inyong mga banay: ug mahitabo *nga* ang banay nga pilion sa Ginoo moduol sumala sa ilang mga pamilya; ug ang pamilya nga pilion sa Ginoo moduol sumala sa ilang mga panimalay; ug ang panimalay nga pilion sa Ginoo moduol matag-usa ka tawo. (Josue 7:14)

Ug si Ellen White nag-ingon,

Ang palabunutan gamiton aron maila ang nakasala. (*Patriarchs and Prophets*, p.494.3)

Busa, ilang gibutang ang palabunutan. Kini nagkonektar sa akong gisulti kaniadto nga gipaambit kanako ni Michael bahin sa pagbutang og palabunutan,. Ang bato. Karon, siyempre, kini Hebreo, dili Griego. Naghisgot ta kaniadto bahin sa Griego, apan kini Hebreo. Ug tingali si Ellen White nagpakita niini nga impormasyon, apan si Josefo usab nagaingon nga ilang gibutang ang palabunutan. Busa, nasayran nato kini gikan kang Josefo.

Karon, ang katingalahan niini makita sa istorya ni Jonas. Si Jonas misalikway ug misakay sa usa ka sakayan paingon sa Tarshish. Karon, kining mga lalaki sa sakayan, sumusunod ba sila sa tinuod nga Dios? Unsa man ilang giingon sa dihang naabot sila sa kalisod?

Ug miingon ang matag usa kanila [ang mga tawo nga dili moatuo sa Dios] ngadto sa iyang kauban, Ania, magbutang kita og palabunutan aron atong masayran tungod kang kinsa kini nga kadautan naabut kanato. Busa, ilang gibutang ang palabunutan, ug ang palabunutan nahulog kang Jonas. (Jonas 1:7)

Busa, ang pagbutang og palabunutan mao ang paghibalo kung ngano nga kini nga kadautan naabut kanato. Ngano nga kini nga kadautan naabut sa Simbahan sa Seventh-day Adventist nga nawad-an og pagkahiusa? Ngano man kini nahitabo sa simbahan? Kinahanglan natong gamiton ang palabunutan aron masayran kung kinsa ang nagmugna niini nga problema ug ipalagpot sila.

Mamiminaw: Masulti nato nga kini medyo pamahiin, kung buhaton nato kini karon, dili ba?

Mamiminaw: Alang sa mga dili motuo sa Dios nga mohimo niini, sa pagbutang og palabunutan, nagasalig ka sa gahum gawas sa imong kaugalingon aron mohukom sa palabunutan; nga nagpasabot nga nagkonektar ka sa usa ka espirituhanong reyalidad.

Pr. Adrian: Bueno, ang mga dios kuno maoy nakadesisyon. Apan mao kini ang punto nga akong gipasabot. Ang pagbutang og palabunutan, diin man kini naggikan? Nagagikan kini sa usa ka proseso aron mahibal-an kon diin naggikan ang kadautan, aron ilang mapili kung

kinsa ang patyon. Busa, dinhi na kita moabot sa sentro sa Judio nga sistema sa halad. Karon, sultihi ko, ngano man nga nagbutang sila og palabunutan aron mahibal-an kung asa ang kanding nga iya sa Ginoo ug kung asa ang kanding nga para kang Azazel. Bisan kinsa ra unta niini ang mahimong mapili. Sa unsang paagi man kini nagrepresentar sa kinaiya sa Dios? Murag nagaingon nga, Dili ko igsapayan kung kinsa nga kanding ang patyon. Patya lang ang usa kanila. Gusto lang ko og dugo. Dili ko igsapayan kung kinsa. Pangitaa lang ang usa. Mao kini ang punto nga gisulod dinhi.

Busa, Jonah:

Ug miingon sila kaniya, Unsa man ang among buhaton kanimo aron malinawon ang dagat alang kanamo? kay ang dagat nagahulag ug nagkabangis. Ug miingon siya kanila, Itaas ako ug ilabay sa dagat; ug mahimong malinawon ang dagat alang kaninyo; kay nasayud ako nga tungod kanako kini nga dako nga unos nag-abot kaninyo. (Jonas 1:11-12)

Busa, kini usa ka halad ngadto sa dagat, kay ang dagat nasuko. Kini mao ang penal substitution. Ang pagbayad-sala pinaagi sa silot. Kinahanglan nga mapakalma ang dagat pinaagi sa dugo. Nasabtan ba nato? Mao kini ang rason. Ngano man nga ilang gihimo ang imahe sa mga bitin ug gibitay kini sa usa ka poste? Kay ang dios-bitin nasuko kanila.

Busa, kinahanglan nila nga paghimoon ang imahe sa maong dios, tanawon kini, mangayo og pasaylo, ug pakalmahon ang dios-bitin aron sila maayo. Ug sa dili pa kita masobraan sa pagdani niini, mao kini mismo ang proseso diin kitang tanan misulod sa Kristohanong pagtuo.

Nagpanulti ba ko nga dili angay? Misulod kita pinaagi sa pamahiin nga prinsipyo sa pagpakalma. Ug tingali ang uban kaninyo moingon, Dili, wala ko misulod sa ingon nga paagi. Apan mao kini ang paagi nga kitang tanan misulod. Gihimamat kita sa Dios.

Mamiminaw: Dili ba kini ang tanang nahibal-an sa unodnong hunahuna?

Pr. Adrian: Mao ra kana ang nahibal-an sa unodnong hunahuna. Mao

ra kini ang atong nahibal-an. Gihimamat kita sa Dios sa atong kangitngit.

Ug sama sa pag-alsa ni Moises sa bitin sa kamingawan, ingon usab kinahanglan nga i-alsa ang Anak sa Tawo: (Juan 3:14)

Ania ang kalambigitan. Mao kini ang paagi nga kitang tanan misulod pinaagi sa parehas nga proseso.

Mamiminaw: Makalingaw usab nga bisan pa man, kining pamaagi gihapon nakapadayag kung kinsa ang nagmugna sa problema. Gigamit gihapon kini ni Satanas. Naghatag kini og impresyon nga mao kini ang hustong paagi sa pagbuhat niini.

Pr. Adrian: Ug gitugotan kini sa Dios nga mahitabo. Moabot usab kita sa istorya, sa istorya ni Jonathan ug Saul. Sa dihang ilang gibutang ang palabunutan, nahulog kini kang Jonathan. Hingpit nga inosente si Jonathan. Ug bisan pa man, ang palabunutan nahulog kaniya ingon nga siya ang nakasala.

Mamiminaw: Usahay molihok kini, usahay dili.

Pr. Adrian: Bueno, paikuton ang botelya. Paikuton ang dial. Kuhaa ang Ouija board. Pareho ra kini tanan.

Mamiminaw: Gihatagan ba siya og kahigayonan sa paghinulsol?

Pr. Adrian: Oo, bueno, moabot ra ta ngadto niana. Dili ba kini usa ka katingalahang istorya? Katingalahan gyud.

Busa, pagasunugon siya sa kalayo. Oo, siya pagasunugon gyud sa kalayo.

Ug mahitabo nga ang makaplagan *nga* anaa kaniya ang butang nga gisumpa **pagasunugon sa kalayo** [H8313], siya ug ang tanan nga iya: tungod kay siya nakalapas sa pakigsaad sa Ginoo, ug tungod kay siya nakabuhat og binuang sa Israel. (Josue 7:15)

Karon, mao kini ang balaod mahitungod sa mga samsam nga nakuha. Sa Deuteronomio 13, nag-ingon kini,

Pagapatyon gayod ninyo pinaagi sa sulab sa espada ang mga molupyo nianang siyudara, ug hingpit ninyo kining laglagon,

uban ang tanang anaa niini, apil ang mga kahayupan, pinaagi usab sa sulab sa espada. **Ug inyong tigumon ang tanang samsam niini ngadto sa taliwala sa kadalanan niini, ug inyong sunugon sa kalayo ang siyudad**, uban ang tanang samsam niini sa hingpit, alang sa Ginoo nga inyong Dios: ug kini mamahimong usa ka tapok sa mga kagun-oban sa walay katapusan; dili na kini pagatukuron pag-usab. (Deuteronomio 13:15-16)

Busa, ang samsam, ang bulawan ug ang pilak, gituyo nga ibutang sa tipiganan sa Ginoo. Ug aduna pay laing bug-os nga isyu mahitungod kang Acan, nga milimbong sa Dios ug gitipigan alang sa iyang kaugalingon ang kuwarta nga angay unta ibutang sa tipiganan sa Ginoo. Kana nga paagi sa pangatarungan problemado. Dili kana ang hustong paagi sa pagdasig sa mga tawo sa paghatag og ikapulo. Kung dili ka mohatag og ikapulo, ingon pa, sige, buhata, pabuthon ko na imong ulo. Klaro nga dili kana ang husto nga motibasyon. Apan anaa usab ang maong elemento nga ang Dios gilimbongan. Ug ang pagkuha sa mga samsam sa gubat, ang pagpatay sa mga tawo, kalalakin-an, kababayan-an, ug mga bata, pagkuha sa ilang mga kabtangan, ug dayon pagdala niini ngadto sa balay sa Dios, adunay lahi nga baho nga nalangkit niini, dili ba? Dili kini matahum paminawon; grabe kaayo kini nga dili angay ug makapasakit sa pagbati.

Mamiminaw: Anaa kini sa atong kultura, sa atong henerasyon, klaro. Sa ilang panahon, kana ang normal kaayo.

Pr. Adrian: Normal. Ug mangahas ko sa pag-ingon nga kini mahimong normal pag-usab.

Adunay unom ka mga reperensiya sa Torah nga naghisgot mahitungod sa “pagsunog sa kalayo,” ug upat niini may kalabutan sa mga halad nga sakripisyo sa pag-alagad sa templo. Busa, dinhi atong makita ang koneksiyon nga si Acan giisip nga gihalad sama sa usa ka sakripisyo. Tungod kay upat sa unom ka higayon, ang gipasabot niini mao ang mga sakripisyo, ug pareho ra kini nga pulong sa Hebreo. Mao ra gihapon ang parehas nga pulong sa Hebreo nga gigamit.

Ang laing duha mao kini 1) Levitico 20:14, nga may kalabutan sa incest, usa ka lalaki nga nagkuha sa iyang asawa ug sa inahan niini 2)

Levitico 21:9, nga mahitungod sa anak nga babaye sa usa ka saserdote nga namuyo sa pagpakighilawas nga dautan. —Miingon si Juda nga si Tamar angay sunugon sa kalayo. Apan si Acan dili makatagbo niining mga kahimtangan—ang mga butang hinuon mao ang nakatagbo niini.

Si Acan wala makatuman sa mga kwalipikasyon sa Torah. Wala siya maapil sa incest, sumala sa atong nahibaloan. Wala usab siya may kalabutan sa usa ka saserdote, sa usa ka paganong relihiyon, o sa bisan unsa pa nga sama niini. Busa, dili siya makatagbo sa mga kondisyon aron sunugon. Apan siya misupak. Mao nga ang akong gipasabot mao nga ang tanang butang kinahanglan motakdo sa balaod ug sa pagpamatuod. Kinahanglan kini buhaton sumala niana. Apan mas grabe pa kini kay niini. Ug hulata, aduna pa. Daghan pa kaayo ang anaa niining sugilanona nga komplikado ug makalibog. Karon, dinhi na kini mahimong makapainteres. Gitawag ni Josue si Acan nga iyang anak. Busa, dinhi atong makita ang lider sa Israel nga naghalad sa iyang anak ingon nga usa ka sakripisyo alang sa pagtubos sa Israel. Nakapukaw ba kini og hunahuna kanimo?

Ug miingon si Josue kang Acan, **Anak ko, palihog ihatag ang himaya sa Ginoong Dios sa Israel**, ug magsulti ka kaniya sa imong sala; karon isulti kanako ang imong gibuhat; ug ayaw *kini* itago gikan kanako. (Josue 7:19)

Mangayo ba gayod ang Dios kanato og pagsulti sa sala nga ang tumong ra mao ang paghukom ug paglaglag? Walay kalooy, walay paglaom, kundili ang pagpaulaw lamang sa kaugalingon ug ang pagpasangil sa kaugalingon alang sa katuyoan sa paglaglag. Mao ba kini ang kinaiya sa Dios?

Mamiminaw: Dili

Pr. Adrian: Ug dinhi atong makita ang sugilanon ni Samuel.

Unya miingon si Saul kang Jonatan, Isulti kanako kung unsa ang imong gibuhat. [Alang sa unsang katuyoan? Alang ba sa paghinulsol? Alang ba sa pagpasig-uli?] Ug gisugilon kini ni Jonatan kaniya, ug miingon, nakatilaw ra ako og diyutay nga dugos pinaagi sa tumoy sa sungkod *nga* anaa sa akong kamot,

Dili ko katuo niini. Bag-o ra nako nakuha ang kadaugan alang sa

Israel, ug karon gusto nimo patyon ko. Naa ba kay bato sa ulo? Nagahulog og bato, nagahulog og batong dako.

*ug tan-awa, kinahanglan gyod akong mamatay. **Ug mitubag si Saul, Himoan unta kini sa Dios ug dugangan pa: kay sa pagkatinuod mamatay ka gyod, Jonatan.*** (1 Samuel 14:43–44)

Ania ang usa ka amahan nga andam mopatay sa iyang kaugalingong anak. Ngano man? Tungod kay nagkinahanglan siya og pagbayad-sala. Tungod sa iyang kaugalingong dali-dali ug walay hunahuna nga buhat sa pagdili sa mga tawo sa pagkaon, ang katawhan misulong sa mga samsam ug mikaon og karne nga may dugo, nga dili unta nila angay buhaton. Ug tungod niini, daw dili na nakigsulti ang Dios kang Saul. Karon gusto ni Saul mahibaloan nganong dili na siya tagdon sa Dios? Kinsa man ang nakasala? Dili ako. Kinahanglan nga akong anak. Makita ba ninyo ang mga kaparehasan dinhi? Mao kini ang kinaiya sa tawo nga nagapadayag kanato: ang hunahuna nga kon maghalad ako, bisan pa ang bunga sa akong lawas alang sa sala sa akong kalag.

Ug gitawag ni Josue si Acan nga iyang anak ug andam siya nga ihalad ang iyang anak. Apan atong hinumduman, ug dili kini aron mosaway kang Josue, nga wala gani siya nangamuyo ug nangutana sa Dios bahin sa pagkuha sa Ai. Nagpadayon lang siya ug gihimo ang mga plano. Karon, kitang tanan dali ra masakop sa ingon niini nga kahimtang sa pipila ka bahin sa atong kinabuhi. Busa, dili nato gustong magsaway kang Josue, gusto lang nato ipakita ang punto nga nagkinahanglan og pagtubos ang Israel. Nanginahanglan sila og sakripisyo tungod kay wala sila mituo nga ihatag sa Dios ang yuta kanila.

Ang usa ka pagsulti sa sala nga walay bisan unsang paglaom sa kapasayloan, usa ka pagsulti nga alang lamang sa katuyoan sa paghukom ngadto sa kamatayon. Nagapakita ba kini sa tinuod nga kinaiya sa Dios?

Kay ang Amahan wala maghukom sa bisan kinsa, kondili gihatag niya ang tanang paghukom ngadto sa Anak. (Juan 5:22)

Kamo nagahukom sumala sa unod; ako wala maghukom sa bisan kinsa. (Juan 8:15)

Ang akong Amahan wala magpasangil sa bisan kinsa. Busa, kini dili mohaom sa kinaiya sa Dios, unsa man gyud ang nahitabo dinhi.

Karon, ang sakripisyo sa Basahon sa *Pagbayad-sala*, akong gihisgutan nga ang pagtubos gikan sa panan-aw sa tawo nagkinahanglan sa sakripisyo dili lamang sa nakasala, apan usab sa mga inosente. Busa, gusto nato ipangutana sa atong kaugalingon ang usa ka pangutana. Gihalad ni Josue ang iyang 'anak' nga si Acan isip usa ka sakripisyo aron matubos ang kalapasan nga nahimo sa Israel ug ang kadaut sa Ai. **Apan ang sakripisyo nagkinahanglan dili lamang sa kamatayon sa dayon nga nakasala, kundili apil usab ang mga inosente.**

Ug si Josue, uban ang tanang Israel nga uban kaniya, gikuha si Acan nga anak ni Zera, ang pilak, ang sinina, ang piraso sa bulawan, ug **ang iyang mga anak nga lalaki ug babaye, ang iyang mga baka, mga asno, mga karnero, ang iyang tolda, ug tanang butang nga iya:** ug gidala nila kini ngadto sa Walog sa Achor. Ug miingon si Josue, Ngano man nga imong gibug-atan ang among nasod?...

Makapaikag nga ang iyang ngalan gitawag og Trouble (Kabalaka). Ngano man nga imong gibug-atan ang among nasod? Ingon ana. Aw, ang akong ngalan mao ang Kabalaka. Mao ba gyud kana ang iyang ngalan, o gihatag lang kini kaniya human sa nahitabo? Ug kini nahimutang sa Walog sa Achor. Busa, ang lugar gitawag nga Kabalaka. Siya mao ang Kabalaka. Siya ang nagdala og kasamok. Unsay tinuod nga nahitabo dinhi?

...Ngano man nga imong gibug-atan ang among nasod? Pagkabut-an, ikaw usab pagabug-atan sa Ginoo karong adlaw. **Ug ang tanang Israel nagbato kaniya gamit ang mga bato, ug gisunog sila sa kalayo, human nila siya pagbato og bato.** (Josue 7:24-25)

Pangutana. Mahimo ba nato nga isulti nga basin apil ang asawa ni Acan sa nahitabo? Mahimo ba nato kini isulti? Tingali nahibalo siya. Posible. Aduna'y dakong kahigayunan nga apil siya sa nahitabo ug busa nahimong kauban sa sala. Posible usab nga wala siya makahibalo sa bisan unsa bahin niini, apan lisod kini kon nahitabo kini ilawom sa iyang tolda. Lagmit nga nahibalo siya, apan wala ta kahibalo. Ug ang mga bata, mga hamtong ba sila? Mga ubos pa sa edad? Mga menor de

edad? Nahibalo ba ang mga bata sa nahitabo? Mas gamay ang posibilidad nga nahibalo sila. Ug unya, muabot kita sa mga baka ug mga asno. Nakasala ba sila? Unsaon man nila pagkahimong nakasala? Unsaon nila pagkahibalo sa nahitabo, ug nganong gisakripisyo man sila? Ah, mga hayop ra kini nga wala'y kasayuran. Inosente sila. Ug gisakripisyo sila nga walay hinungdan. Apan sa pagtubos sa tawo, kinahanglan nga ang mga inosente maapil sa sakripisyo uban sa mga nakasala. Mao kini ang sipi nga akong gikuha.

Sama sa atong nasuta sa kapitulo upat, ang tinguha nga mopatay usa ka pagpadayag sa kaaway sa tawo batok sa Anak sa Dios ug sa babaye nga naggiya kang Adan sa pagkaon sa bunga. Ang tinguha nga patyon ang nakasala usa ka pagpadayag sa pagpangbayad sa yawa. Ang tinguha nga patyon ang inosente usa ka pagpadayag sa tinguha sa Yawa, sukad pa sa sinugdanan, nga patyon ang Anak sa Dios.

Ang pagtubos sa tawo kanunay nagkinahanglan sa kamatayon sa mga inosente ug sa mga nakasala. Si Eba nakasala, si Kristo inosente, ug kini mao ang naghimo sa pagbayad-sala alang kang Adan.

Kining duha ka prinsipyo, ang pagpatay sa nakasala ug sa inosente, makita sa mga sugilanon sa Bibliya ug nagpadayag sa orihinal nga binhi sa Genesis 3:12 – “ang babaye nga imong gihatag kanako.” (*At-One-Ment*, p. 62)

Mao kini ang paagi sa pagbayad-sala. Busa, kinahanglan adunay inosente. Sa labing menos, nasayud ta nga ang mga hayop inosente. Ang mga bata lagmit inosente usab. Ang asawa posible nga inosente. Wala ta kahibalo.

Nakasala ba usab ang pamilya ni Acan? Wala gyud hisguti ang pagsugid sa sala sa iyang pamilya. Nakahimo ba sila og higayon nga mosulti alang sa ilang kaugalingon? Nakahimo ba sila og higayon nga ihatag bisan unsang impormasyon? Hilom sila sa maong sugilanon. Ug mahimo ba nato, base sa ilang kahilom, isulti nga sila “dungog” ug sila “gikuha gikan sa yuta sa mga buhi”? Unsang pinulongan ang akong gigamit? “Sama sa karnero nga hilom sa atubangan sa mga manukod,” “gikuha siya gikan sa yuta sa mga buhi.” (Isaias 53:7–8). Wala silay tingog. Wala silay bisan unsang mapangayuan og hustisya.

Ug ang Torah hugot nga nagdili niini, hinumdomi,

Ang mga amahan dili pagapatyon tungod sa sala sa ilang mga anak, ug ang mga anak dili pagapatyon tungod sa sala sa ilang mga amahan: ang matag usa pagapatyon lamang tungod sa iyang kaugalingong sala. (Deuteronomio 24:16)

Ang sugilanon ni Acan usa ka paglapas sa Torah. Dili kini kabubut-on sa Dios, kay ang Torah nag-ingon nga dili nimo mapatay ang mga bata tungod sa sala sa ilang mga ginikanan. Ug ang mga anak ni Acan gipatay tungod sa iyang sala, bisan pa man kon sila ba kauban sa nahitabo o dili. Dili nimo mapatay ang mga bata tungod sa sala sa ilang mga ginikanan. Ug mahimo nakong gamiton ang sunod nga oras sa pagbalik-balik niini nga hugpong sa mga pulong. Wala nila nabuhat ang krimen. Posible nga ilang gitabunan kini, apan wala ta kahibalo kon sila ba 5, 10, 15, 20, o 30 anyos. Wala ta kahibalo sa ilang tinuod nga edad.

Apan aduna'y isyu sa pagpanubag. Ug sa edad nga adunay katungod sa pagpanubag, kinahanglan nga makasulti. Kung adunay usa sa imong pamilya nga nakabuhat og krimen nga supak sa Napulo ka Sugo ug supak sa balaod sa katilingban, kinahanglan kini ireport.

Mamiminaw: Dili usab kini kinahanglan nga ilang hibaloan, posible nga gitabonan kini gikan kanila.

Pr. Adrian: Oo. Dili nila kinahanglan nga makahibalo. Posible nga nahitabo kini samtang sila natulog. Tingali wala sila kahibalo. Ug lagmit nga wala gayod sila kahibalo. Ug kung adunay bisan gamay nga pagsabot si Acan, kabalo siya sa prinsipyo nga mas gamay ang nakahibalo, mas maayo. Kung makahibalo ang iyang mga anak, mosulti sila sa mga anak sa silingan, dili ba? Busa, dili nimo sultihan ang mga bata. Apan gipatay sila, ug wala gyud usa ka pulong nga gisulti.

Dili ba nato gamiton ang hugpong sa pulong nga “Ang kahalom sa mga karnero”? Bisan pa kon atong hukman sila nga nakasala tungod sa sala sa ilang amahan, apan ang Torah nag-ingon gihapon nga dili nimo sila mapatay. Wala ba'y lugar alang sa paghinulsol? Wala ba'y higayon nga sila pangayoon sa pagsulti sa sala ug pagbiya niini? Wala

ba sila gitagaan sa gasa sa kaluwasan? Sa panan-aw sa tawo, dili, kay 36 ka lalaki ang gipatay ug ang Israel naulawan. Ug kini mao ang sentro sa isyu. Napahiya sila. Napukan ang ilang garbo. Ug karon, nagkinahanglan sila og pagpanimalos.

Mamiminaw: Mahimo ba nakong isulti kini sa lain nga paagi? Ang nasod nanginahanglan nga mobati og kaluwas.

Pr. Adrian: Ang nasod nanginahanglan nga mobati og kaluwas. Maayo kaayo kini nga paghulagway niini.

Mamiminaw: Mao kini ang kasamtangang atong madungog.

Pr. Adrian: Kinahanglan nila nga mobati pag-usab og kainit ug kalipay sa kasingkasing.

Ug unsa man ang bahin sa mga hayop? Dili nato masulti nga sila adunay bisan unsang kahibalo sa sala ni Acan o nga apil sila niini sa bisan unsang paagi.

Mamiminaw: Bisan pa kon sila nakahibalo o nakakita niini, dili kini angay nga basihan.

Pr. Adrian: Dili kini angay nga basihan. Usa ra kini ka butang. Dili gyud nila... hingpit silang inosente. Ug kini klaro nga nagpasabot sa prinsipyo sa pagbayad-sala. Ang kamatayon sa nakasala ug ang kamatayon sa inosente. Usa ka simbolo sa kamatayon ni Kristo ang gipakita sa kamatayon niini nga mga hayop ug posible usab sa mga bata, lagmit sa mga bata gayod. Ang mga bata gipatay aron matubos ang panginahanglan sa Israel nga mobati pag-usab og maayo bahin sa ilang relasyon sa Dios. Kini mao ang penal substitution.

Mamiminaw: Kinahanglan ba nila nga makakita og 36 ka tawo nga patyon, ingon nga “usa para sa usa?”

Pr. Adrian: Tingali si Acan, ang iyang mga anak, ug tanang iyang mga hayop posibleng moabot og 36. Mga butang nga angay hunahunaon.

Sa dihang gibunalan silang tanan sa mga bato hangtod mabuka ang ilang mga ulo (pasayloa ang klarong hulagway—apan mao man gyod kana ang nahitabo, dili ba?), wala ba gibati ni Kristo ang tanan niini? Pangutan-a lang ang imong kaugalingon. Ngano man nga si Kristo

“magputol sa iyang ilong aron lamang makadaut sa iyang kaugalingon?” Dili ba kini mao ang krus nga giantos ni Kristo? Wala ba siya mobati sa bisan unsa? Wala ba siya didto, samtang ang mga bata gidala palayo ug ang ilang mga ulo gilibak sa mga bato, nga nag-ingon, unsa man ang akong nabuhat? Mao ba kini ang Dios sa gugma? Karon gilaglag ako ug ang tibuok kong pamilya?

Nagkinahanglan ang Israel og kapasayloan alang sa ilang sobra nga kumpiyansa nga misangpot sa kamatayon sa 36 ka lalaki. Kinahanglan nila masayud nga ang Dios uban kanila ug nagpasaylo sa tibuok nasod. Si Acan ug ang iyang pamilya nahimong paagi sa pagtubos alang sa nasod. Wala nay laing kapatawaran, kondili pagpasangil ug kamatayon, sama sa nahitabo kang Kristo sa Krus. Wala nay laing agianan sa paggawas.

Si Acan mismo ang nakadala niini sa iyang kaugalingon; dili siya inosente. Gibuhat niya ang sayop, ug nag-antos siya sa mga sangputanan sa iyang kaugalingong mga pagpili. Ang iyang mga binuhatan maoy hinungdan sa iyang kaugalingong kadaut ug siya ang responsable sa iyang kaugalingong kapildihan. Ug siya usab ang responsable sa pagbutang sa iyang pamilya sa peligro. Apan lisod gayod isulti nga ang iyang mga anak kinahanglan usab og parehas nga pagtratar, labi na kay ang Torah nagdili niini. Lisod kaayo kini isulti.

Usa pa usab, ang prinsipyo nga ang matag sala kinahanglan silotan, nagkinahanglan og sakripisyo ug halad. Dili kini gusto sa Dios, apan ang Israel nangingahanglan niini aron mabalik ang pabor sa Dios sa ilang kaugalingong hunahuna. Gusto sa Dios nga ang kining mga butang sunugon ug laglagon. Klaro kaayo.

Nagkinahanglan ang Israel nga mamatay si Acan ug ang iyang pamilya aron sila mobati pag-usab nga luwas uban sa Dios ug nga dili sila pasagdan sa Dios. Mao kini ang ilang gikinahanglan. Busa, gitugotan sa Dios nga madawat nila kini. Kay kung dili, hingpit gyod unta mapakyas ang ilang pagtuo, ug sila mapapas sa nawong sa yuta. Busa, si Acan kinahanglan gyod mamatay.

Ug sa niining partikular nga kahimtangan, lagmit gyod nga mamatay gihapon si Acan. Apan ngano man nga dili sama kang Nabal, nga sa

dihang nasabtan niya ang nahitabo, natandog siya sa dakong kahadlok, ngano man nga dili sama kang Ananias ug Sapira, nga tungod sa grabe nga kahadlok sa nahitabo, giatake sa kasingkasing ug namatay tungod sa kusog nga pagpugong ni Satanas. Ngano man nga dili mamatay sa ing-ana nga paagi? Ngano man gyod nga niining paagiha siya namatay? Daghan kaayo og liboan ka mga paagi sa kamatayon, gawas sa panginahanglan nga ang katawhan sa Dios mao pa ang magbuhat niini. Kini mao ang bili sa pagtubos. Giantos ni Kristo ang Krus pinaagi sa pagkawala sa mga namatay, aron mahatagan pag-usab og paglaom ug pagsalig ang Israel. Kini mao ang penal substitution. Ang pamilya ni Acan nagrepresentar sa penal substitution.

Kini na ang katapusan sa presentasyon. Busa, naglaom ako nga nakahatag kini kaninyo og mga butang nga angay hunahunaon. Akong ipasantop pag-usab ang punto (alang niadtong ganahan mo-clip sa akong mga bidyo), wala ko nag-ingon nga inosente si Acan. Siya mismo ang nagdala niini sa iyang kaugalingon. Iyang gibutang ang iyang pamilya sa peligro, ug gitugotan sa Dios nga ang mga sangputanan sa iyang mga pagpili maoy molaglag kaniya. Wala siya pangilaban sa Dios. Apan nasayran usab sa Dios nga dili dawaton sa Israel ang pagbayad-sala uban kaniya kon walay mamatay ug walay mobayad sa bili. Ug mao kini ang atong makita nga nahitabo niining partikular nga sugilanon, ug naghatag kini kanato og lahi kaayo nga hulagway. Ug hunahunaon usab kung giunsa pag-antos sa Dios sa dihang ang mga bata gibato hangtod sa kamatayon uban sa ilang mga ginikanan. Apan mao kana ang bili nga gikinahanglan aron maluwat ang Israel, tungod kay mao kana ang ilang gikinahanglan.

Sige. Salamat sa tanan. Mangluhod ta ug magtapok sa pag-ampo aron tapuson nato.

Panapos nga Pag-ampo:

Amahan sa langit, nagpasalamat kami kanimo nga makabasa kami niining mga sugilanon. Dili namo gusto nga hukman ang bisan kinsa niini nga mga tawo, kay kini nga mga sugilanon nagpadayag sa among kinaiya. Ug sa dihang adunay mga butang nga masayop sa among kinabuhi, ang among kinaiya mao ang pagpasangil sa uban ug pagpalayo kanila, ug paghimo kanila nga hinungdan sa mga nahitabo.

Amahan, nagpasalamat kami kanimo nga makatan-aw kami niining mga sugilanon. Gitinguha nimo nga sultihan sila unsay ilang buhaton, unsay ilang gikinahanglan aron maluwas. Ug mahimo nato kini hubaron ingon nga imong sugo kon gusto nato. Gitugotan kini sa Hebreo, o mahimo usab nato kini hubaron ingon usa ka pagtagna. Ug tanang uban pang mga kakulangan sa pagkasunod. Bisan kinsa nga mosangga sa pagbato sa mga anak ni Acan anaa gawas sa gingharian sa langit ug gawas sa Torah. Ug ako lamang masulti, Tabangi sila, Dios. Ug nag-ampo ako nga tabangan mo usab kami tanan, sa ngalan ni Hesus. Amen.

PAGBAYAD-SALA

NI ACHAN

Ang ngalan nga Acan nagpasabot og kabalaka o naghatag og kasamok. Ang Dios naghatag og espesipikong mga sugo nga dili kuhaon bisan unsa sa mga samsam sa Jerico, apan ang tanang butang angay nga laglagon, ug ang bulawan ug pilak ibutang sa tipiganan. Si Acan misupak niini nga sugo, nga nakaapekto sa sunod nga mga panghitabo sa ilang kapildihan sa Ai.

Ang kamatayon ni Acan, bisan kini masabtan, naghatag og daghang mga pangutana, labi na bahin sa iyang pamilya ug mga hayop. Namatay usab silang tanan uban ni Acan. Ang Bibliya nag-ingon nga ang mga bata dili angay silotan tungod sa mga sala sa ilang mga ginikanan.

Ang mga amahan dili pagapatyon tungod sa sala sa ilang mga anak, ug ang mga anak dili pagapatyon tungod sa sala sa ilang mga amahan: ang matag usa pagapatyon lamang tungod sa iyang kaugalingong sala.
(Deuteronomio 24:16)

Ngano man nga gipatay ang mga anak ni Acan bisan pa nga gidili kini sa balaod? Aduna bay laing aspeto sa sugilanon nga may kalabutan sa kasaysayan sa Israel ug sa ilang abilidad sa pagsalig sa proteksyon ug pagtagad sa Dios?